

壯
悔
堂
文
集

壯懷堂文集卷之九

賈開宗靜子

同里

選

徐隣唐爾黃

閩

徐作肅恭士

宋

犖牧仲

表說書後

擬

思宗改元追復楊漣等官爵并起被廢諸臣旋
欽定逆案頒示百官廷臣謝表

崇禎元年

伏以

惟皇御極拔淹采於辛陽

至聖有臨，驅凶人如烏雀。雙鳳題白印之墓，泉臺忽際風雲。九州鑄蒼鼎之形，人世不逢禱祀。此陰消陽長之日，實小往大來之期。斗柄獨持泰階，載遇臣等誠懽。誠忤稽首頓首。上言竊惟周易章拔茅之慶，春秋列刈草之文。殷少師告彼新君，首嚴威福。里大夫獻其世子，用戒薰蕕。乃知朝廷之司實，惟賞罰是寄。自玄皇初醉，誤予金簡之書。而神木失幾，遂爲博徒所借。形迹塵馬。

傷黃犬於東門權授王曹飛白蛆於西市

水德之傳一傳二豈獨神言赤帝之爲桓

爲靈誠非曆數洎乎沉香亭畔縱橫緋衣

三千竟至甘露臺前顛沛金枝奕世沙門

獲法人稱胡廣中庸北府開衙誰疏王涯

冤滯拜聖影入客民燒宋氏之座以社鼠而結城狐

得衛卿彌子之方本獻桃而致湯竈黨成

翼虎爪牙之焰彌張臥近驪龍雲霧之勢

在手於今方烈自古以然未有日月無私

陰幽爲之昏照光華復旦魑魅因之潛藏
如此時者也茲蓋伏遇

皇帝陛下

曆應乾圖

電繞華渚

龍飛代服紀元開藝祖之年

廟告神宗重瞳增軒孫之瑞新煉媧妃之石
玉清仍是九層更築共工之山坤維安於
四極八開旣窳叅軍應慰孤竟七聖同遊

大澤猶勤異夢若以芳州之杜若先夜已
零更恐湘水之幽蘭入秋將落玉櫂雖美
深愁非屈子之官金鏡尚存竊喜無張公
之祭爰下褒忠之典生者榮死者如生更
嚴辨奸之條赦者追刑者無赦謂妖璫自
作之孽值先帝倦勤之時始焉以豎刁之
謀媚於天子終焉以國老之勢廣置門生
家國無人衣冠掃地懸鵞鵞之餘食犬吠
籬間逞刀鋸之淫刑猿愁梯上娥眉初進

竟同大諫之名。溺器何來。乃鑄亞卿之職。
拜公姥而爲假子。侍郎豈敢有鬚託與援。
而得美官耶。鄆因之效步。遂致長安道側。
日走豺狼不止。灌壇城前夜呼風雨。自恃。
障天之手。公爾渠鬼有賦。同讐之章立成。
薶粉甚至淳于通術。落紫薇之前星。試問。
裕如何辜賜馬。鬼之錦帶上壽呼九千餘。
歲觀兵蓄問鼎之心。點將列一百八人展。
禽蒙盜跖之號。卽楊雄劇美之論。陰附巨。

君與蔡京紹述之名明誣太后彼無生祠
之建此多要典所例一書同是戴天履地之人
獨笑龍逢非俊物更耻誦詩讀書之輩借
言董卓誤中郎海幾揚波日將匿曜幸有
黨人之目不附黃門乃至清流之臣幾於
赤族身騎箕尾賴此氣壯本朝名畫旂常
更願克生王國安鐘簴于震蕩之後豈曰
謀身不臧復銅駝于荆棘之中實乃先聲
奪氣死而無悔常留折檻之風神其有知

化爲指佞之草若夫削迹而遠引尚存九
死以一生魯連之清高義蹈東海梅福之
明哲冠掛北門鳴鳳朝陽橫遭梟鳥之嚇
冥鴻在野誤爲弋人所羅此

祖宗得體養士之恩共扶名教亦臣子鞠躬之義寧

間存亡各予維新之施用彰異舊之治至
於逆黨某某者率土不容含生共憤倘擬
拔莠應作燭髓之臺姑念放麇使禦魍魎
之鬼擁戴稱頌懸金石不刊之書令其遺

臭○千○秋○門○戶○宗○盟○杜○調○停○兩○用○之○局○防○其○○統○出○先○帝○聖○

寅○緣○一○旦○庶○乎○舉○朝○革○面○得○免○宵○小○之○憂○○明○

允○矣○薄○海○同○心○共○遵○蕩○平○之○路○臣○等○才○非○

拔○類○志○切○觸○邪○探○虎○子○於○穴○中○豈○其○愛○而○○諸○

不○殺○奪○蛟○綃○於○領○下○值○彼○暨○而○獲○全○生○入○○賢○幸○存○者○的○是○如○此○

玉○門○之○關○已○叨○非○望○新○脫○龍○城○之○戍○便○授○

崇○階○生○成○荷○天○地○之○私○髮○膚○非○身○家○所○有○

敢○不○潔○清○冰○雪○自○託○青○筠○益○當○奮○厲○羽○毛○

不○虛○蒼○隼○伏○願○慎○終○如○始○罔○逸○於○休○有○北○

雖投蒲嫫之心足畏以人爲鑑魏徵之孟
可懷近觀先朝之包容已成前轍遠取韓
侯之嘖笑不假中涓去邪勿疑灼知虞氏
之精明非深文網臨下以簡樂與唐帝之
廣運共此聖神將見侍御僕從罔非聰明
之助股肱元首再賡喜起之歌矣

宛轉疏暢高勝處尤在體裁讀之生氣

千秋

靜子

擬

上遣官致祭

先師孔子闕里羣臣謝表

順治九年

伏以

齋躬思道觀百代於羹牆

憲古修儀隆一時乎俎豆風生泗水初傳

元運之笙鏞神降尼丘永式遐心之金玉敬

其使矣皇皇者華格則享之洋洋在上斯

文啓佑至治馨香臣等誠惶誠恐稽首頓

昔上言切惟立大君之則必遵垂統之師
自生民以來未有集成之聖誕城妃之鳥
裔孫始慶衍雲初應鳧繹之麟上瑞繁肅
瞻跼角江河一沛會支派之淵源日月有
明聚羣星之緯次用以興用以治誰云可
廢詩書繼自昔繼自今罔不虔修禋祀唐
官宋殿雖道絕天階無益分毫郭雀漢蛇
皆手脫龍泉願觀鐘鼓慨沙丘之不道自
取乎三月烈燿卽壁篋之餘音尚足爲干

秋禾鑑豈。竟應眷此靈光。自在人間。抑澤
未斬焉。衣冠終藏。故里玉臺。夜闕恍疑。絳
節之來。朝盡棟晨。開忽爾駿奔之。咸助東
西南北位。屈生前天地。皇王揆符身後。自
非大聖人克真見聖。未有修文祀歲秩無
文。如今日者也。茲蓋伏遇

皇帝陛下

玄宿真人

紫宸正位

掃風塵於三尺劍復華夏之深讐

定社稷於一戎衣得帝王之大統

領語妙

雲屯禹甸直入秦關百二重

龍起冀方適合堯年十六歲爰念嗣基之要

今章法流麗

一新厥政之初謂崇儒非僅虛名况承祭

名爲大事禹背湯肩者至人也敢以南面

而傲彼東家嶽降星流者曲阜歟用展中

心而馳茲四牡御府書七襄之帛若日予

一人昭告非遙錫卣灌三液之漿可知吾

先哲明歆莫吐子孫爭廷膚敏以前父老
皇朝行之
來觀客嗟而去隔朝之曠典洗兵於此重
逢一代之休風振鐸自茲勿替相之蹈相
之舞公西氏固存乎克有光克有輝顓孫
子猶生矣祠畔之枯枝何意頓滋日炤之
巧思精詳
華林中之祥鳥攸聞羣避鳳啣之客斯實
天開有道故能

聖暨同心臣等器遜瑚璉司存籩豆生右文之
世徒咏菁菁之在阿際尚德之輶未嫻濟

濟之酬國仰承夙夜益切淵冰敢不思一
得之中庸庶其事君庶其事父因而讀全
等位望部之論語半以開創半以太平伏願

文武克猷

始終典學

念孔子何闕而居闕里
引來有妙義

以先聖爲師不耻師臣
對更超化

午朝而御幄講經

藜閣更勤思博覽

歌大風思猛士古咸陽勿嫚儒冠

虛前席談夜分今宣室猶多鵬賦則修聖人

爲○頌○大○議○論○得○體○

之文者修聖人之道用以建極訓行而重

聖人之道者重聖人之徒推之興賢育德

將洪闢敬敷之業無壞無騫而永席祇承
之貽於萬於億矣

對仗瞻麗有神氣音韻鏗鏘有思理固

使徐庾失步

恭士

定鼎說

高皇帝之經邑也。審曲面勢，蓋嘗靡地不營矣。

然而卒定鼎金陵焉。龍盤鍾山，虎踞石城門連。

三吳室控二楚，大江之所環枕。淮肥之所內通。

也。昔者秦得金策，剪諸鵠首，鑒觀秣陵，厥有王

氣。令朱衣三千之衆，鑿立方山，疏迤水道，爰以

湧泄龍勢，肇啓鴻河。錫嘉名爲秦淮，此天下之

奧區神臯也。禹夏山川初平，田惟塗泥，世變漸

夷，廣衍沃野，辨方定位。土圭測影，會風雨而和

陰陽中天地而交四眚財賦自儲漕運惟充計
道里之均環朝會之所軼軌周京駕美漢都矣
故天下大患未嘗不始於西北而建康乾符坤
絡世聯戎狄梗稻流池馬無所馳郵水逶迤車
無所衝草蔓修濯牧芻蕭寂非天塹之險艱于
渡也以性岐蕃落渡之無適於用耳夫內有旬
粟之裕外益風俗之隔豈非盛則足以定四海
衰則足以奠一方在德亦在險之說與粵暨
文皇重啓疆壇煥以制度爰虞人渙定社稷於

北平以天下財賦產東南金陵其會戎馬盛西

兩○語○盡○當○日○計○畫○

北金臺其樞輪財賦於東南統戎馬於西北冀

幽并營天地之中也雲中右則浩於龍門左則

衍於碣石面臨洪河背拱渤海垣應紫微極成

艮位介震出坎勞之間殆亦所謂天府百二也

士多慨慷產饒蓄牧瑯琊旋繞雲帆轉於遼海

漁陽豪俠香粒來自東吳猗歟盛矣而三面隣

邊一面制禦天下聞之正位居體者以中夏爲

堂○堂○正○正○

喉舌不以關陘爲襟帶也惟文皇順天受命

○國○初○形○勢○如○此○

威德所訖咸賓咸收以河套爲脇以遼廣爲翼
外而三十六家爲之藩內而二十四衛張其勢
密接胭脂奪匈奴之顏色烽息祁連騰上廂之
驛駢國勢於斯稱強焉自英皇北狩河套淪
沒巢焚原燎麋鹿爲墟而肅皇庚戌之變乃
從西薄矣熹皇初御遼左沉陷彎弓躍馬仇
讐是尋而皇帝己巳之年乃自東躡矣嗚乎
兀良福餘沉熒於烽煙南關西插飛燭於鋒鏑
致丙子戊寅之間落日吹笳破榆關之曉夢秋

風鳴角起帝城之暮愁寅發卯臨無旦日之期
唇亡齒寒鮮百里之界豈形勢固有異乎抑古
今貿理而金臺之區昔取裁入都今則孤峙極其塹
外也昔翼脇秦晉肩背遼河今則抵堦窮幕也
且五大之邊以餉爲儲勝國有三都焉冬春居
大都東都夏秋居上都以習蒐獮均輸運大都
者上谷也道自淮而入濟上都者開平也道繇
海而會河東都者大梁也開朱仙之故鎮實中
土之咽喉從未有漕聚於一區者苟孤舟懸於

萬里聿來石鍾之稱防肅遍於開關粹厯榛梗
之虞寧細民營室尚陶穴以備非常而正紫宮
裏曉闕固可不憑倚後戶俟食迥域哉稽漢都
渭浹定以天邑唐承其朔實爲咸陽山河四塞
峭函重關後有巴蜀之饒前有商鄧之阻故兵
戎出於不意可以退安而徐復宋都中豫澶漫

步○九○

雖論咸陽正說出燕京無退

九州閭與中夏水陸都會也而勢多平行以弘
普山無嵬峩以爰磔故道旣昌以麗康氣衰颯
而淪喪其視高皇帝萬世不拔之基文皇

端重金陵

帝一昔獨創之盛眇矣蔑矣今日倘思扼天維
衍地脉創艱食之弊策定民之本登聖曆乎
天階章國祚之有秩盍求所以紹揚偉烈焉

此說作於戊寅十五年前卽已見及遷都矣
文之沉雄壯麗又自一體直在三都兩京之

間

恭士

豎人臧說

豎人臧者吾兄授以乳羊七臧受而牧之二年
矣羊未之增也吾兄怒而責之曰吾羊之牧於
他所者歲兩乳焉其所乳者又乳焉而汝之畜
獨不繁臧俛首無以對吁臧可賞也天下有以
不亡爲存者臧殆是也牧二歲而猶七其羊臧
可謂能守其故者矣天下之業苟今以受之昔
後以受之今日傳而日守其故土不必其能廣
人不必其能衆也無失先王之舊封雖世強焉

可也。無失先王之舊民。雖世富焉可也。天下之

開疆而疆以尋出証佐方警感料民而民以滅者是殆滅之所

不爲也。且吾兄亦知夫乳羊者乎。吾隣翁者嘗

有羊焉。而命人牧之。其人既報之以繁息之數

乃立豎而受糈已。而謂羊之牧於野者摘苗而

害稼也。乃置圍而牧之已。而又謂羊之居圍中

者產繁而氣疫。羊多以死。大約終一歲增不能

數羊。而授廩有餼。補牢有費。所謂建置沿革若

中條理者。又一歲而數。關白其說。翁倅聞其繁

息之數而喜不及詳。准羊而授牛焉。牛實疫死。又准羊而授鷄與豚焉。受耕之戶惡其瑣細而弗堪也。蕪田而去之。嗚乎。翁始貪貪而惑。既惑益不知所悔。皆乳羊之利誤之也。故天下往往

出惑概

徇小利之虛名而卒之勞費紛擾得遂不償所失者。臧乎。臧乎。吾知免矣。人各有能有不能。善用人者貴審其能與不能。若此者不言利以欺其主。寧辭功而受過。乃臧之所能也。不可不察也。吾兄曰。爾之言近佞。然吾羊則實有牧而乳

者又若之何。嗚乎。天下之地。廣於先人。加於舊。
受業而守之。而或以創開而昌大者。君子豈不
謂賢焉。然而不可必也。若夫漢武帝。猶其得焉。
者也。後將有掩敗以爲功。飾虛以爲實者。李宓
王成之屬。雖知而誅之。亦何益矣。故天下之亡
其羊者多矣。臧殆以不亡爲存者也。侯子曰。利
之所不興者。害之所不伏也。臧之功。不可見。然
天下必見功而治者。又何其寥寥耶。

無中生有。駕空蹈虛。發出大論。
恭士

劉次隣字說

嗚乎古人君之待其下觀於尚書之反覆於隣

此○立○端○安○得○不○佳○

臣者何其優渥而親密也士幸生其間可以出

即○從此○生○波○

而仕矣及人劉君暢者業尚書名其子曰宣而

請字於余曰雖知夫宣之不敏然欲其力於四

方也余字之次隣而說以贈曰夫尚書所稱左

右有民而望之翼者職無專責焉輔翼之統詞

也宣力四方而曰汝其爲之豈古之外而牧伯

發○揮○得○意○盡○無○

而以勉勉綱紀者耶夫君子於德業之際嘗謙

以自牧避其上焉而不居則亦爲其次者而可矣。是可以爲字耶。劉君暢曰。宣方未足以爲士。而子顧屬以盛大之辭。教之夸也。曰宣所以爲力也。苟力於其事而不怠。則士也。而有卿大夫之材矣。倘壞焉而不及。數弱焉而不及。張闡焉而不及。昭因循。遏廢而至於無可表見。卽假之以卿大夫之位。其庸有以愈耶。夫君子於德業之際。亦云爲焉而日至。勉焉而日強也。然則余之字之者。誠大而非夸也。劉子其無斁吾言乎。

哉

道健全是荆公

恭士

字曉兒說

曉既冠字之日彥室而進之日曉乎天下何易
云通人也爾無寧室焉耳矣室於應事故省爲
省爲故安於拙室於處人故寡合寡合故全其
樸天下惟上智能通中人且不可而況其下者
乎曉乎爾毋寧室焉耳矣

道德之精言

靜子

書昌黎潮州謝上表後

昌黎一代人傑其諫佛骨幾致殺身尤挺立不撓然貶潮州而其謝上表亦何哀也昔人論其欲以詞賦速封禪幾於相如逢君此誠太苛使昌黎而自此貶道以趨貴豈遂安坐不至卿相乃官侍郎日明知王廷湊不可犯而必御命宣諭叱馭不回何哉蓋士君子之自處固有生死不難決絕而落莫悲涼之際反愴然不能自持者如蘇子卿娶胡婦冠萊公陳天書與昌黎不

謂見隱微之論

安於潮陽其病一也。嗚乎之三君子者豈非鐸
鐸者哉而性之所近不能自強故曰君子之學
變化以成德。自知其病矯而克焉。變化之謂也。
朝宗此種論著最有道氣。莫草草看過。靜子

書周仲馭集後

仲馭不以文章名然官儀部郎日嘗疏請仲理
遜國時事而其復吳貴池書論皖人阮大鍼尤
爲嚴正卽此已與日月爭光非文章之家所能
及也後卒以觸皖人殺其身遂有議仲馭生平
剛愎太過有以取之者嗟乎此亦就其殺身而
後論之耳仲馭與余交最善余嘗見其負盛名
時執贊閭業者滿天下倘其自此踐履公卿天
下必且益附之以爲景星慶雲豈復有議其剛

人情的是如此非刻論也

傲者惟禍福成敗不同而乃使其門生故舊持
論亦異可歎也夫

言外嗟惋含蓄不盡 恭士

書練貞吉日記後

及人練君貞吉司馬公少子能繼述其家學爲
中原人士之冠嘗遊禾水作日記所載皆纖碎
不經意事而含蓄甚遠余每讀之以遣旅况記
中間雜談諧客有病之者夫善戲謔兮不爲虐
兮風人所以頌衛武也談言微中固不在莊語
矣嘗聞有先朝鉅公惑志一姬致風望頓減姬
問之曰公胡我悅曰以其貌如玉而髮可以鑑
也然則姬亦有所悅乎曰有之卽悅公之髮如

極猥極褻事看他叙法

玉而貌可以鑑耳。又嘗遊虎丘，其爲衣去領而
濶袖，一士前揖問何也。鉅公曰：去領，今朝法服；
濶袖者，吾習於先朝。人聊以爲便耳。士謬爲改
容曰：公真可謂兩朝領袖矣。以此二諱語觀之，
是鉅公碑傳之所不盡者，而賴以表微也。然則
日記之談諧，何必其無關於世耶？

坡公所謂嬉笑怒罵皆成文章

靜子

書吳延仲集後

延仲學問該博爲文章多本兩漢其詩出風入雅如感秋射潮諸篇皆深壯有當世之志近體頗哀豔在韓李間非其至也少年時就燕京廷對^伏猝遇老中貴延^伏請置之上坐求爲作兔山五龍亭梳妝樓諸記天壇迎神諸歌旣畢酌之金五百鎰願奏天子延仲辭余已卯下第歸嘗過延仲飲見有^伏伎武氏者在側是皆山東劉大將軍方擬青齊諸侯王請以金屋貯伎伎曰願得

終身操觚縻侍吳仲子文筆足矣其爲人所傾慕如此昔司馬相如能以琴聲奔成都豪女又遇楊得意薦其詞賦得陪昆明未央之遊後世每豔稱之相如大節固不足爲延仲道然延仲卒窮不遇死矣夫當世貴要豈無操衡量文章引拔人材之權者顧其識反出狗監與蛾眉下何也延仲生明思宗間天子嘗寤寐想見天下之士而同皆才賢流落又不止一延仲嗚乎明社遽墟誰之咎歟

借司馬相如兩事照映最感慨而有風神
士

書彭西園集後

彭西園名堯論余鄉人之前輩工爲詩者也少
多讀書有氣調嘗遊京師遇竟陵鍾惺與譚不
合奮拳歐之始事當是昔惺方倡異說蠱惑天下見
者莫不拱揖下拜西園獨勇於擁衛風雅如此
西園詩開闢起伏具有法度意遠調圓在盛唐
入室之列其負盛名昔詩道榛蕪無人足以共
切磨者西園性又簡傲以故其晚年詩遂失於
率放嘗有馬別駕以詩就正西園翻披一過卽

置之而熟視別駕曰公年四十但窮日夜吟詠
至六十歲不患不佳也豈知得失寸心晚節欲
細當其頽然老反不若少壯歟雖然余嘗序次
西園之詩卽其少壯者已足傳矣獨是一言而
別駕駕二十年不輟苦吟世之爲別駕者何其
不幸哉

自在瀟灑歸文家妙品

靜子

書黃子久畫後

王君喬年得子久之畫而疑之曰是未必真出
之子久也反覆觀者累日夫使其不佳耶雖子
久何益使其果佳耶而猶疑非子久則是徇名
而阻天下以無齊善也王君方爲畫而徇名以
阻善其可乎譬如古詩十九首相傳枚乘作而
說者往往以爲不然人苦不知詩耳苟知詩亦
熟誦之而已安用窮其果乘耶否耶王君乃豁
然喜余則有感於子久之畫也天下之道未有

見之不真蓄之不厚而可以苟爲之者子久以

畫名其所以得傳者固有說嘗攷子久常熟入

以

本地流瀾不寂冥

去大海九十里焉知其不常登蜃樓以觀日習

潮音而聽濤湧而後以其靈竒恍忽之况寓之

於畫耶

再一証佐通應

司馬子長作史記必先遊覽天下書畫

之道未必不與此通也且子久旣以畫名矣而

乃自號曰大癡癡則不畫畫則不癡二者果可

兼乎以是知子久之畫又必其有無紫然渴齊

毀齊譽之性情寓其中而後進乎技也山水

者天下之神氣也其始必日見山水羅而致之
几席之間以蓄其氣其終當遂無山無水以吾
心之浩浩落落沛然與之爲一而乃傳其神蓋
若是其不易也而世俗之爲畫顧有終身不見
山水者何也且甚或終日見焉而猶之不見者
又未可知也而况乎其能求之無山與水者乎
嗚乎天下容有習且熟於其真而舉而爲之常
不得其侶者未有望而摹其侶而有所得者也
畫何獨不然王君憮然有間頰首而屈其指曰

諾吾春必往觀山水焉子其識之
昔庚寅十二

月望後七日也

紆徐澹宕

恭士

壯悔堂文集卷之十

同里

賈開宗靜子

選

徐隣唐爾黃

閱

徐作肅恭士

宋 犖牧仲

誌銘

祭文

雜著

明東平州太守常公墓誌銘

妻父常公以壬午卒時宋郡爲寇所破公易服爲道士以免旣渡河而卒於曹其子霖權厝之於望魯村又二年乃克具槨如禮迎葬於舊阡余爲之誌而銘曰公名維翰字子羽少常不得

於父然純孝讓產於異母弟卒以格性醇厚與
物無競既舉孝廉尤自修飭入上春官不第筮
仕保定令邑故福小公爲政隨任其俗人不知
有令既滿當遷司徒公數問所欲得者皆不應
其子怪之公曰司徒自篤親我自守已遷東平
州守既至見民饑開倉賑焉當催科歎曰吾民
今賣妻子保性命天子豈知其至此哉然停賦
則病國吾願輸家財抵之乃盡鬻其田廬二萬
金猶不足遂坐謫司徒公又問所欲補公笑曰

吾向家財有餘故可藉以仕今無矣尚可仕耶
公歸而無居乃居余之北村茆茨數椽意泊如
也公雖平易然見以爲不可卽終始持之官太
守日有中貴人道過東平勢張甚前路令守皆
起居拜跪厚有所饋獻公獨閉閣不與通更禁
其尉尉叩頭爭公卒不許人稱其介云公娶吳
氏繼娶朱氏生五子四女植朴霖檄梓其四蚤
死獨霖在女長嫁余叔愔次嫁沈譽幼嫁周司
空子業炎三余妻也銘曰

往過東平父老來迎愛公及我有酒如澆蓋求
公與其子皆不得而見其婿亦猶之乎見公廉
吏不可爲而可爲公庶幾有其遺風

誌潔甚銘爲變體然自奇妙

靜子

明都察院左都御史太子少保贈少保陳

公墓誌銘

代司徒公

公名于廷字孟諤年二十九舉進士歷官左都

御史太子少保卒後贈少保天下稱少保公少

保大節侃侃爲吏部侍郎日忤魏忠賢一削官

同楊漣左光斗出國門歎曰于廷幸不辱身自

此天下士大夫無種類矣已而如公言忠賢誅

死復起歷左都御史爭言驕弁漸不可長且亂

天下既爭不得再削官未幾諸大帥握兵者果

養寇自圖便利浸至開藩鎮類唐河朔故事益不肯効命貽禍至不忍道又皆如公言天下於是不徒多公之節而更歎公之先見也公言驕

弁時且得罪余督軍昌平習知九邊將帥狀欲

颺言佐公公報書曰

老臣得以微罪行不足累

敘得委曲關係

公顧徒薪慮良苦言不行死且爲恨幸公知我

他日誌吾墓可也公卒後十餘年季子貞慧以

張清惠公狀請余既已受公託生前乃誌而銘

之曰公系出宋名臣永嘉陳公傳良由永嘉徙

居義興湖南五世至衛輝丞弘甫自湖南贅亳
村視其地蓬蓬有白雲氣因家焉又七世至憲

章憲章生一經一經有孝行鄉里謚爲孝潔先

評錄是史記文字

生先生方妊而母邵氏癸兩刺頸一指殊不得
死後奉詔旌節以公顯贈夫人孝潔先生旣不
識父詢得貌乃繪事之伏臘嚶嚶孺子泣至老
不衰娶雷夫人夢虎飛天門之祥生公手足結
毛成麟文襁褓中數自躍起墮地不驚旣長有
器量舉於鄉不色喜第進士授光山令不受餽

歷唐山秀水皆以治最徵拜御史公爲御史號

敢言嘗言給事汪若霖鯁直不當黜又言朱相

○批○出○一○字○作○立○看○他○象○法○簡○括○處

賡挾私意逐諫臣又言王相錫爵黨賡又言職

方郎趙拱極吳有孚輩皆兩相私人不宜處要

又言從官陶望齡顧天峻犯清議其奉命巡河

東鹽嘗言閩人張忠不法撓鹺政又言鹽法便

宜五事又言神宗皇帝久不復當陽以致天

怒正陽門災又言鄒元標趙南星王德完皆直

臣當收用其巡江西嘗言淮藩庶長子常洪謀

不軌又言。藩宗多庶代始爛死甯生幼調長及詭
養異姓廩祿食爲宗蠹。又言。願稅宜節。又言。閩
人潘相稅湖口民不聊生已。而字法言閩當撤。又言。
并稅亦當罷辛酉。熹宗改元公已歷同貳遷

太常卿紅光議起公言向以風顛脫張差庇其

主使已誤今以誤減紅光獄更誤壬戌罷刑部

以。上連用數十個言字寫得少

尚書王紀公又言紀賢臣持詔獄議不上良是

係生氣發然

不宜罷甲子歷戶部侍郎遷吏部侍郎尚書趙

南星相賀曰冢宰不足喜與公同官乃可喜也

會南星被譴去公代視事魏相廣微欲以忠賢
私人代南星公面拒之而薦喬允升馮從吾汪
應蛟忠賢大怒叱曰是三人者庸愈南星乎于
廷乃黨渠不可不急逐之公既罷卽騎一驢去
賦詩示漣光斗曰脂韋世所同侃直性所獨忠
賢命騎四偵公行李蕭然無所得丁卯遣緹校
逮公適 熹廟崩乃止嗚乎此公所爲一削者
也戊辰 皇帝更政舉遺老拜公留都右都御
史掌南察黜陟惟允辛未遷北都察院左都御

史公辭不許拜闕謝畢退而告人曰于廷平生
好言天下事官御史者則其職也熹皇帝拱

默中人有竊政者于廷卽去言路亦當言今

天子英明此處補此一段方入後抗言矯非事更嘗疑臣下好名沽直更多言徒滋疑

天子見闕係行文留意結推處惟有勉修職業仰報萬一耳壬申八月御

史視微畢佐周以管武弁失上旨下都御史議

公乃抗言曰陛下赫然留意武功欲激厲諸介

胄臣卽薄譴兩御史未爲過然天下將驕卒悍

紀綱不立尾大之勢已見萌芽又摧挫法吏以

長其焰恐益潰廢不可收拾將貽聖明之憂方
大今日倘避激聒不一深言爲失職失職且負
國老臣不敢是時 天子意有所向公持之益
堅凡五宣諭五不奉詔 天子怒公遂歸里此
公所爲再削者也閱鎖公事四王立朝四十年歷官
事業不可殫述而獨以一再削之故海內翕然
仰之見童走卒皆知姓名嗚乎士大夫砥礪風
節固有所在而當世乃有姦媚陰巧邀王固寵
欲以卿相位傳子孫者亦獨何哉公去官後嘗

深念扼腕天下事不可爲居久之病卒年七十

以下敘家世簡淨有法

夫人張氏後公兩月卒有婦德門內化之公四子張夫人生者二貞貽負才早夭貞裕舉甲子孝廉王安人生者二貞達官戶部主事甲申殉國難死而季子貞慧最賢當世所稱定生處士者也余許以孫女妻其子銘曰

死乃銘公則未飛虎祥白雲氣乘之遊固甚慰

千萬年猶髣髴

通篇兩削官是骨建言是線索大文章須如

此倣方見手眼○銘亦奇逸

辭子

沈季宣墓誌銘

伏、一、篇、之、案、

沈譽字季宣相國鯉之族也少孤所分產鉅萬

爲其兄蕩費且盡譽安之無間言兄嘗假爲譽

券貸財於豪有力者後來徵無以償譽妻常氏

帶、出、是、文、章、筆、力、處、

最賢慧婉告譽曰鬻吾所居豈不有餘耶譽大

悅從之徙居湫隘譽天性澹泊不茹葷血力學

再、振、

穎悟有文章名年二十七而病遂以死沈氏自

此、段、重、錄、節、收、蓋、文、境、使、大、便、有、精、采、

相國鯉以來爲宋之巨族無論千餘指惟相國

最貧其餘皆以財力雄霸閭里間相國在時嘗

詞○嘗○之○而○無○以○禁○也○譽○獨○以○寒○素○稱○然○沈○氏○既○
富○而○其○人○或○習○爲○驕○奢○或○更○醜○猥○狡○獫○以○謀○爲○
滋○殖○雖○千○餘○指○無○復○有○讀○書○能○識○字○者○譽○獨○以○
文○章○自○立○識○者○皆○曰○此○非○沈○氏○子○所○宜○也○果○早○
卒○無○子○一○女○以○妻○余○子○曉○銘○曰○
人○異○其○族○是○爲○不○祥○况○君○之○異○乃○在○文○章○疇○頑○
而○壽○孰○哲○而○殤○大○塊○不○知○終○古○茫○茫○

安貧力學已足沈君生平借相國族人一段

照映更自生情生色 靜子

曹秀才墓誌銘

曹秀才以明崇禎庚午卒卒後而有嗣子璜璜

旣長而因其舅陳君貞慧從余遊是爲順治壬

辰其母陳孺人之教也陳貞慧曰璜母年二十

人從孺人此秀才文筆委曲有法度

餘而寡今歷兩代且三十年而曹氏家門之事

皆身任之當秀才之歿也而事其舅姑不異於

秀才生時其圖所以嗣秀才者則無子而有子

其撫璜也門以內慈門以外多長者遊教之義

方人不知其無父今更圖其不朽秀才者將使

璜拜求吾子爲誌非子不能子無辭余嘉孺人

之貞德乃爲秀才誌曰君姓曹氏名懋勤字曰

文及曾祖三賜工部尚書祖司勳雲南左布政

使父福孫太常寺主簿秀才少有令譽陳少保

公于廷以愛女妻之卽璜母也當是時曹氏門

第甲於陽羨少保公家更赫奕兩姓輝映人以

比江左王謝而秀才負才落拓意不屑也常嬉

遊少保公數禁之不肯從則誘而鍵諸室命老

僕守之秀才乃以餅金誘老僕而逸出少保公

怒而召之來卽署堂上命爲文立就凡三試三
稱善且喜且罵曰孺子倘力學將來建立何啻
老夫而乃不自愛若此秀才立感悟卒淬厲以
文名顧數不得志於有司殊怏怏庚午出試院
而病遂死先是秀才病孺人常籲天請代又剖
股以進通篇敘秀才止此卽後入孺人可旣旣寡而足不踰戶者三年乃日撫墳馮
秀才凡而告之曰君文情生動彌留時恨無子今有子矣
則又蹣跚痛哭隣里皆感動孺人勤敏有識量
動止尤嫻禮法姊嫁乙卯舉人吳洪祿妹嫁辛

又借兩家來照映淡宕開遠

未進士吳簡思兩家姊妹之盛車馬賓客絡繹
不絕獨孺人蚤寡孤苦處兩家間然持其家世
往往傾兩家上孺人既苦節而孝歷久無間言

里人乃爲請旌而表之遞相賀且歎曰秀才死

入方是秀才誌體

而親無廢養子無廢嗣世業無廢主秀才可以

入陽美一段煙波無際關合更自有情

死矣陽美俗重貨利士大夫彼此較論錄兩不

得則眈眈然怒已而更謀所以得之則復滄滄

然假相合尤不尚交爰間泊具招賓客必心有

起處留此一殷不說盡是文

所爲無泛然者秀才生時獨數出千金周人之

而孺人常撫璜曰而父有遺志未就而必求
當世達人爲師若父庶克繼之卽碌碌如余
人猶介其兄引璜延請館於家每膳必豐必潔
皆孺人手調而目視之而猶若有慙者嗚乎是
豈少保公之遺教耶孺人陽羨一婦人何以然
孺人生二女其一夭常曰秀才恨無子今止一
女豈可不擇配凡富貴家來求者皆却之獨以
歸萬曆間名御史湯公兆京之孫原楨原楨文
雅純謹與璜皆能有立云銘曰

無成有終緊臣與地孺人象之爲君也妻其克
撫璜大君之裔君之生僅二十六年而令聞百
世

是爲秀才誌却以孺人作主行文極映帶穿
插之妙

恭士

郭老僕墓誌銘

郭老僕死而葬於城北之金家橋其主人爲誌
其墓而銘之曰老僕名尚十八歲事余祖太常
公方司徒公之少而應秀才試以及舉孝廉登
進士第老僕皆身從之司徒公仕而西抵秦涼
之塞南按黔方北盡黃花居庸邊鎮上老僕
皆從司徒公嘗道經崑山攀崖懸洞而陟其巔
老僕則手挽鐵索從焉崑山老道士年百八十
歲矣謂司徒公曰公貴人也然生平豐於功業

凡三用從字三樣出法

奇事

膏於福用當腰圍玉而陪天子飯此後一月難
作凡有五大難過此壽可耄耄此僕當濟公於
難者也幸善視之然老僕殊不事事司徒公嘗
遣視南園之墅久之所司皆荒失命人迹之則
老僕自携琵琶與一嬾人飲於鹿邑之城門樓
司徒公怒斥之不使近戊辰赴官京師老僕固
請從至則日酣飲於城隍市司徒公朝所命老
僕暮歸醉而盡忘之司徒公怒而罵老僕則倚
壁而鼾鼾聲與司徒公之罵聲更相間也積二

歲餘以爲常。司徒公爲烏程相，所構下獄，願請諸僕曰：爾輩皆衣食我，今誰當從乎？老僕涕泣拜於堂下。司徒公熟視曰：嘻，爾豈其人耶？老僕前曰：主人盛時安所事？老僕老僕亦酣醉耳。今老僕且先犬馬死，主人又患難，豈尚不盡心力？主人不憶老道士言乎？自此不飲酒，亦不與其家相通。從司徒公於獄者七年。烏程相與韓城相相繼秉政，皆苛深，託諸緹校，訶察在事士大夫親朋。奴僕往往避匿去。老僕嘗衣敝衣，星出。

月入以事司徒公初燕女有姚氏者數嫁不終
饒於財每日我當嫁官人耳老僕乃僞爲官人
娶之日取其財易酒食交歡諸緹校者故得終
始不及於難後姚氏察知其僞大哭罵老僕以
手提其耳嚙其面面上痕常滿及司徒公出視
師乃以老僕爲軍官冠將軍冠服將軍服以見
姚氏姚氏則大喜老僕入謝司徒公曰老僕嗜
飲酒今七年不飲酒此後願日夜倍飲酒以償
之久之飲酒積病遂以死年五十七老僕有四

子其次嘗犯軍法膏死諸大帥卜從善等罷拜
司徒公曰非願公紉法乃軍中欲請之以勸忠
義也當是時郭老僕之名播兩河云銘曰
汝士大夫之師而乃居於奴奴乎奴乎奴尚則
有士大夫卒無

通篇淋離寫生從來誌銘中第一

靜子

祭吳次尾文

壬辰十月日梁園侯方域卽陽美爲文而三灑
酒祭於先爰吳君次尾曰嗚乎次尾死矣余蚤
決次尾之死而次尾果死矣然余時時見吾次
尾之面冷而蒼髯怒以張言如風發氣奪電光
坐於我上立於我傍狂醒酣醉時一呼之不知
一降淋滴見交誼之厚
吾爰之云亡也今過陽美陳子來迎憶我三人
共學石城嘗更高歌聲滿帝京又同時而幾殺
其身乎大鉞與士英蓋安樂與患難固無一之

弗并。今次尾竟不見而獨見定生。嗚乎！次尾果死矣。因與定生痛哭失聲。君豈聞之耶？是夜卽夢君握余手，曲叙平生歡笑。異常然則次尾又未必死也。余向聞君死，嘗就梁園爲位南望而祭。然不欲爲文者，以未悉授命時本末。恐萬一亂真。失吾次尾。今定生乃爲我言次尾戰敗，急坐正冠，徐起拜。故君辭先人引頸就刃，意氣彌振。嗚乎！今而後吾次尾果死矣。次尾果死，次尾何憖！次尾果死，次尾固在。余與定生哭者，又朋。

之情而次尾笑者蓋夢中猶不屑爲見女子之
態余與定生之於次尾交親范張一生一死拜
墓加封當在君里以君之神乘雲策畧今古蟬
蟬乾坤糠粃方且無所不之而又何必池陽之
爲桑梓也次尾念我與定生別垂一紀安知不
已駕池陽過陽美格止觀止特我與定生不能
見爾嗚乎次尾讀萬卷書識一字是明三百年
獨養此士

纏綿嗚咽全是一團真氣此等文正以不必

壯悔堂文集

卷之十

六

剪裁爲佳

恭士

祭亡弟文

君之垂歿也。執余之手而屬之曰。必葬先夫人之墓。而以哲兒爲嗣。鬼旣冷。而目不瞑。余號哭請於大人許焉。以復。乃瞑。今葬君於先夫人之側。伯兄墓之左。而哲兒奉君之婦杖而衰。是日主祭拜。見賓客。年六歲。禮如成人。賓客皆曰。君有子矣。蓋二事皆如君。易簣之言也。敢告。

只直叙事而悲情無限

靜子

代三省督府張公祈雨文

恭聞天生民而明以寄之岳牧幽以寄之社稷
百神其有疾病水旱則岳牧爲之請命於君百
神爲之請命於天其義一也今某謬爲國家領
岳牧之任實與神共事茲土而五月不雨三農
之失其業者號呼之聲日徹於耳某心竊憂焉
至廢寢食則神之憫之可知也然而某久禱而
不應何也豈神固未之知耶抑知之而不爲之
請耶或請之而不許耶或某之不職已夙獲戾

於神而茲又禱之不以誠耶夫果未知之是無神也知吾民之顛連如此而不爲之請是神溺其司也若其請之而帝不許是必且仁愛化爲慘刻尤某所不敢信也或某之不職與不誠則殃咎宜加某之身而又何與乎斯民也凡若此無一可者神必有所以處之矣某敢不蠲潔以

直使神窮無辭

待命

愷切而嚴正方是所告之文

恭士

告井神文 有序

壬辰七月侯子鑿井於西堂圃婦汲焉
神有憑之者曰爾胡不祭我將攝爾覓
蹶爾覓言畢而仆侯子奠酒三盂爲文
叙亦古淵
以祝之婦是夜甦

某之鑿斯井也毋亦聚族而飲神惠也匹婦何
罪之有不腆蠲烝以告神歆主人既已知之矣
神而黷焉其若之何若其非神之爲而妖或憑
之是用疾降威誕昭厥德不然某且是湮是塞

其又敢邀惠於神。

辭令是左氏能品

靜子

爲吳氏禱子疏

澄江有蔡烈女祠遠近禱子者輒應余
異之爲妾吳氏禱焉

某謹疏 娘娘殿下某妾吳氏者家本吳閬言

歸梁苑十二樓月沉子夜偏照雙眉三千里雲

際扁舟常憐一葉用事穩要兼有意致鶯鶯漸老傍公子以何依燕

燕空忙歎佳人之不再終恐霞裳翠袖總歸花

落鳥啼恭惟 娘娘殿下自淑也貞聞風者遠

不辭玉碎留暫肯於人間所喜石堅得請申於

帝座掌蠡斯有簿俾佐部妃念鳳卜未諧乃辭
巧令
麟子伏祈慈明俯照鍊力承孚大降英雄菩薩
文筆橫絕
之靈曲成兒女帷房之願從此長齋繡佛早咸
摩錫佳名千歲桃花佩瑤池之結實萬年靈藥
望碧海以卸恩其可勿虔誠禱祝之至

神韻瀟灑

恭士

蘇長公禪喜一流文字

牧仲

西施亡吳辯

西施非能亡吳也而後世以亡國之罪歸之西

施過矣使吳王不信宰嚭殺伍胥內脩國政外

備敵人西施一嬪嬙耳何能爲當時以勾踐之

文氣便厚

堅忍種蠡之陰計臥薪嘗膽日伺其後而乃遠

出數千里爭長黃池之間構暴艾陵之上窮師

黷武殆無寧歲越人乘其空虛而傾其巢穴此

卽無西施豈有不亡者哉吾觀吳之亡也與秦

確證

之苻堅相類二君荒淫精明固不可同年而語

而秦之亡以伐晉致潰吳之亡以越境而內救
不及其轍一也然後知佳兵者自焚而攻遠者
遺近元龜格言必不可易也夫吾之爲西施辯
者非果謂女戎可與於末滅也蓋欲推其致亡
之繇而斷之於窮師用○意○又○在○題○中○續武以爲後世鑒戒也嗚
乎吳之亡也有西施亡無西施亦亡强大真不
可恃哉

層層推論精勁無前

恭士

狄仁傑反周復唐辯

賢哉梁公有存唐之心者也非遂反周復唐也
何也武氏一淫虐之婦不過藉唐之基業假唐
之名器以濟其惡耳倘一旦廬陵相王或廢或
死而果欲傳天下於三思承嗣天下豈有拱手
聽之者武氏卽英雄豈能盡以威力劫制天下
哉周必不能建國何事於反唐必不亡何待復
且張易之昌宗者狐鼠豎子其罪固不容於誅
而唐之存亡實不係乎誅之與否也五王乃至

借兵於羽林踏蹕顧慮如臨大敵其視豈予也
太過矣善乎李賢告英宗曰奪門之計非出
萬全景泰帝不起羣臣自詣南宮請陛下正
位何事張皇不動聲色而就夾日補天之功此
真大臣之言也雖然後之爲人臣者倘其無梁
步○端○重○梁○公○文○便○無○隙○可○聚○公之心而徒借口鎮靜以俟事機之自至則何
以異於模稜首鼠者也是又五王之罪人也
眼光籠罩古人上細看却是以平心出之靜

憫獐

客有過侯子以獐獻者侯子曰獐可馴乎客曰
夫至德之世獸可同羣而遊今子無乃有所不
信耶而何獐之疑歟侯子曰然營室而授獐焉
已而獐呦呦焉其鳴之悄以思嗥嗥焉其號之
窮以悲也又夜則以首搶其戶或視之瞿然而
驚類於人_伏多有所不可者仲鳧王子聞之曰子
之不善於獐也審矣曷以授余侯子曰子之庭
有二物焉其大者類西旅氏之葵而小而駿者

韓子盧之裔也是皆有欲於獐奈何王子輒然
而笑曰子非特不善於獐也又且不知吾子盧
與西旅氏吾將導獐而見之二氏浸假而共牢
以爲食浸假而共寢以爲處浸假而相與爲爰
而日以益善予因而安之豈更害哉侯子曰雖
然子曷使童子守之而猶授獐以索王子默然
不應居三日王子以告曰吾廢吾童子矣視二
氏之貌且翦翦焉適矣又居三日王子以告曰
吾廢吾索矣視二氏之情且煦煦然親矣雖然

其迹

脫胎于子而無

猗猶有間焉又居三日王子以告曰猗無間矣
與二氏者爲一矣又居三日而西旅氏伺猗之
寢也噬其吭後○篇○章○注○在○此○韓子盧拉其脇猗竟以死王子蹙
然不悅而語侯子以其狀侯子曰子固未之知
耶向二氏之翦翦焉若適者所以餌吾童子也
旣而煦煦焉若親者所以餌去其索而恐或爲
之援也旣而示之以無間者乃所以餌夫猗也
撤其防去其援而又探得其情此西楚霸王之
無所用其力而南宮萬之所以斃也何況於猗

哉王子大怒抽戈以逐韓盧與西旅氏侯子曰
無庸也夫世之相與爲刃日以益善反出其不
意而害之者其智非始於韓盧與西旅氏也或
日是偉也狷中而狹外類於人恒有所不可者
卽無韓盧與西旅氏亦將有災焉

無中生有變動奇轍

爾黃

是莊列中一篇好文字

靜子

盧告

居三日而韓子盧見夢於侯子曰天乎天乎夫

子何詈我至於此極也夫子若以我爲陰陽狙

詐而賣吾之爰者吾寧且死於夫子之前以明

我之不受也昔先王辨族以合天下之類余是

以受姓爲西戎氏同類而殘謂之忍同族而殘

覽者不知其遺戲大手筆作法自是不同

謂之悖今律之與我族耶類耶我之司守於王

氏執往而捕狸分也彼律者銳首斜目細前而

蹶後僂佻詭秘以自炫其身庸知其非往氏之

親而狸氏之黨耶。執而殺之。又何誅焉。且是役也。首兵於西旅氏。西旅氏將舉大事。而我莫與助也。夫子且得以我爲仁乎。我之交善於西旅氏有年矣。夫子之所知也。而何有於獐。若一旦潰敗其謀。而惟獐之卽焉。舍其舊而新是圖。夫子其又謂我何幸。而獐手爪機歟。天下一妄庸子耳。設其有中山氏之狠。斑寅氏之威。而西旅氏犯不測。出生死相角。逐我乃顧望兩端。成其其名。敗遠其害。縱夫子曲而赦我。我何面目而

說○來○稱○問○至○理○

見于二氏之父老哉。抑夫子之微喻與西楚也。
失辭日者秦失其鹿天下逐之我實率族爲一
旅以從後高祖定天下論功惟崇讓蕭何其餘
十八諸侯皆以余爲準以故熟楚漢事頗悉彼
項氏者吾敵也夫是以見利以糜之分土以角
之多其間隙以困鬪之捐小仁以就天下之大
計也夫子奈何以婦人女子之煦煦者而論敵
於及哉若其爲及者則有之矣彼其生同牢食
同筐交首而戲弄分背而摩搔自以爲交最密

而莫之間也。或投以腐鼠，乃勃然怒，羣起而爭。

又怒其爭之不勝，乃陽好而陰與，爲伺或更以

其受之情而泄之於其仇。是則我與西旅氏所

大懼也。當是昔，與余同事高祖者曰常山王，其

受曰：南皮侯自二氏不終，而後浸以廣。是其

爲道也。負塗而載鬼黑烏，而赤氈意者，其吾族

者敗類之子耶？而何夫子之詈及於余也？雖然，

夫子之言駸駸乎布已，余恐天下之後生小子

尸祝乎夫子之言而遂以余當之也。夫子何不

賜余以尺寸之地。余且三踊三號而湔其頸之血。以上請於帝。化爲天狗而噬夫天下之負塗而載鬼黑烏而赤狐者。以信余之志。辨余之族類而洗之。於夫子言未畢。眼眼然若有大星之墜於戶者。侯子以寤出門。而王子來曰。吾韓盧氏死矣。

一肚皮不合時宜發得淋漓如許而行文縹緲超忽別創一格

爾黃

有關名教之文

收仲

蹇千里傳

蹇千里者衛人也。其遠系出於汧渭。馬氏後無顯者。馬氏擯之不與通。因別其姓爲蹇氏。祖鳴晉初以聲干王濟。濟悅之而爲言。孫楚濟故天子貴近臣。楚尤以文學起家。知名於時。二人旣交口譽之。鳴以此稍稍遊士大夫間。積官至樞。令後何引周大奇頗益驕。與馬氏論姓望先後爲諸葛恢專有此一段速上便味不窮是如所抑。丞相導爭之不能得也。鳴坐是廢。鳴旣斥家益中落。乃退與竒章氏耕於野。千里父轅客。

早卒幼孤不慧時時從販夫牧豎者而爲人負
載又戲爲人逐得之騎千里項千里返走人輒
笞辱千里千里貌益恭觀者大笑曰是子駑怯
乃爾耶因戲字之曰駑長遂以名之會有善相
人者過之曰吾聞人多矣公耳累累然而狹而
長類諸葛瑾後當極人臣必富貴無相忘也千
里徐昂首曰人皆謂我駑是皮相者烏知我我
當於旬日間自致千里耳乃更其名爲千里云
千里旣長盡謝去其故所狎弄者聞孟浩然爲

詩乃折節事之爲。攜笈襍浩。然醉輒自負之。而
行皆操其所最下者。久之相得益歡。甚浩然。教
之日子族陋而孤。非有以延致之。卒無所成名。
後三日。我與諸公會灞橋上。子當來已。而大雨。
雪。諸公坐風簾中。相與傳觴飲。竟賦詩。因歷
數當世之能爲詩無當意者。千里顧從泥淖中。
背奚囊踉蹌而至。諸公望見。翕然曰。詩在此矣。
因遂藉出其羣輩。遠甚尋以餐牡丹之朝。英賦
登第。筮仕館驛。巡官擢駕部員外郎。出爲稷州。

轉運使以靈石道大都督入爲左僕射封曹國公千里居官皆有勤績性謹愿不肯爲跼蹐行

嘗曰彼僨轅而破犁者烏足與共事哉然無他

急點

材能以資叙層累坐取卿相同列輕之一日會

此句

食中書漏下三鼓矣千里一盡數豆忽奮迅大言罵坐鳳閣侍郎王及善歎曰是局趣轅下駒耳幸致位此乃欲一鳴驚人乎顧謂令史驅出之吾徐以上奏千里竟罷爲黔中守黔中險遠多暴虫毒瘴非人所居千里自以貴臣坐排斥

意常快快不檢押時出行林薄間猝爲虎所殺
當時亦以訾及善云千里死而異父兄曰田系
處結者甯姓馬氏更以材力顯

侯方域曰千里凡驚其先世亦無達人而能自
緣飾以詩賦顯致位卿相嗚乎亦異矣卒厄於
虎類有天數焉人始聞之莫不驚不信旣而果
然嗚乎大位真不可倖致哉

極老靠盡節奏人人能見不必贅譽然亦直
敘耳神味都從中出覺處處飛動可見文不

在救點一涉救點便抽抽便死提頓分明則
神姿四映無所爲神姿也老靠耳老靠固節
奏所出

恭士

與方密之書

敬啓密之故人座下頃自毘陵聞密之已還卽
欲奔走一晤猶以爲未果乃止歸雪苑遇何三
次德具爲述密之還里月日甚詳今已爲僧止
於高坐寺僕乃大喜故人相見之有期密之雖
還而得其所也往在毘陵陳子定生私以問僕
曰密之之還何也曰密之無兄無弟好出晚老父六十
餘在堂雖有二子皆幼未必任侍養密之之還
宜也不然密之讀書有道人也喝○住○南山之南北山

之北豈患無溝壑足了此身而必戀戀故土哉
今密之既還而止於高坐寺固無異於南山之
南北山之北也密之之事畢矣敬賀敬賀僕與
密之交遊之情患難之緒每一觸及輒數日營
營於懷及至命筆則益茫然無從可道猶憶庚
辰密之從長安寄僕縻絲之衣僕常服之其後
歟○於○脫○至○其○中○處○處○著○意○種○種○皆○見○於○一○衣
相失無處得密之音問乃遂朝夕服之無毀垢
上○則○又○存○乎○筆○之○神○化○思○之○刻○刻
賦所積色黯而絲駁亦未嘗稍解而齡濯之以
爲非吾密之之故也乙酉丙戌後製與今時不

說○不○盡○故○借○一○衣○來○法

著○

合始不敢服而薰而置諸上座飲食寢息恒對
之歔歔病妻以告僕曰是衣也子之所愛吾爲
子稍一裁剪而更之以就時製卽可服矣僕急
止曰衣可更也着○意是衣也密之所惠不可更也吾
他日幸而得見吾密之着○意將出其完好如初者以
相示焉蓋僕之所以珍重故人者如此密之或
他日念僕而以僧服相過僕有方外室三楹中
種閩蘭粵竹上懸鄭思肖畫無根梅一軸至今
大有生氣并所藏陶元亮入宋以後詩篇當共
之

評觀之。

送何子歸金陵序

龍眠何子之歸金陵也。道出雪苑。其友人賈子徐子宋子。送之以詩。而推方域爲之序。余之見於天下興亡盛衰之故。友朋生歿聚散之感。旣已多矣。又嘗與何子少同學。中同患難。今又幸存而兩相遇。其可以無言哉。余與何子之寓金陵也。紹○年○慶○生○姿歲在己卯。中原秦晉之間。雖有盜賊之警。而江南太平富庶。朝廷之上。雖門戶角立。漸有黨錮之禍。而其公卿之賢而愛名者。皆願求天

下清流之士。引以自助。天下之士亦莫不砥厲。

於前○後○於今○昔○於贈

節行唱和聲氣相聚於豐鎬舊京之地。以文學

交○無○一○字○及○而○俱○盡○此○一○段○不○盡○處○盡○無○頭○

爲贊而脩同人之業。卽以龍眠雪苑之一邑論

之。其首事者咸有數人。推之天下盛可知矣。是

時余與何子方少年意氣甚銳。又習見天下無

事以爲海內同志之士。或出或處。可以歲月相

見。雖離別歸其鄉土。必不至遂契濶阻絕。故余

之自金陵歸雪苑。同人雖聯舟載酒餞送。秦淮

之曲而賦詩言志。往往各有期許。壯以遠從容。

以○愉○未○嘗○有○促○促○靡○騁○之○思○悵○悵○可○憐○之○狀○也○
其○後○三○年○壬○午○而○雪○苑○爲○李○自○成○所○破○向○之○晉○
事○若○徐○子○作○霖○吳○子○伯○高○伯○胤○皆○罵○賊○而○死○余○
至○金○陵○求○所○謂○龍○眠○之○數○人○者○亦○且○有○見○有○不○
見○矣○又○二○年○爲○甲○申○弘○光○帝○立○大○興○黨○人○獄○何○
子○依○楚○帥○余○竄○揚○州○僅○而○免○會○天○下○鼎○革○同○人○
或○散○或○死○無○一○存○者○余○再○至○金○陵○嘗○晨○起○跨○一○
蹇○驢○訪○問○故○舊○盡○日○而○歸○則○吞○聲○止○於○廢○寺○并○
何○子○亦○不○可○得○見○嗚○乎○當○余○之○歸○雪○苑○也○使○知○

壯悔堂文集

四

吾○同○人○飄○忽○湮○滅○至○於○如○此○必○且○頽○馬○踟○躕○願○

大○婦○注○驛○策○推○渾○

立○斯○須○同○人○亦○必○且○牽○袂○引○觴○耳○熱○仰○天○賦○公○

無○渡○河○豈○肯○以○千○里○之○別○爲○偶○然○也○夫○余○之○別○

諸○子○於○積○安○之○時○又○以○同○人○如○此○之○盛○而○轉○盼○

再○見○之○難○十○不○獲○一○况○於○龍○蛇○初○定○流○血○未○乾○

之○日○耶○又○况○於○友○朋○寥○落○皆○其○歿○散○之○後○而○幸○

存○者○耶○又○况○余○與○何○子○友○朋○生○歿○之○遭○更○有○出○

於○此○外○者○耶○何○子○有○管○樂○才○宜○出○爲○世○用○然○十○

年○以○來○猶○以○布○衣○奔○走○周○道○此○其○故○何○歟○吾○友○

龍眠方以智者崇禎中嘗仕簡詩亦與何子首
事之人也今聞於高坐寺爲僧何子歸試以語
之

兩文縱橫揮灑姿態橫溢奇力四放神明於
法度之中無不如意技止矣 恭士

宋牧仲文序

宋子以文質侯子。侯子曰。吾子可謂拙於文者。奇。笑。矣。宋子愕然。侯子嘆曰。夫人固有爲其事而速焉而不自知其故者。天下之至技也。吾子之文一至此耶。吾子以爲今人與古人且誰勝。曰。古人。然則吾之所謂拙者。古之人能之耶。今之人能之耶。曰。古人哉。侯子曰。吾固以宋子爲非今之人也。宋子可謂知古人矣。古人之從事於拙之效。非徒其文辭也。然而文亦有之。平澹之理。

惟拙者見之巧則或蔽之矣。渾朴之氣惟拙者全之巧則或鑿之矣。子不聞夫射乎？韓非子曰：夫射者殺矢彀弩，雖冥而發，未嘗不中秋毫。然而莫能復其處，終不爲善射。無常儀的也。羿之中止於十步之鵠，而古今以爲射者，師有常儀的也。夫中秋毫之巧，不啻倍於十步之鵠也。然而不以彼易此者，鵠有定，秋毫無定也。然則獵巧於秋毫者，幸中焉，且不必當，而況乎其未耶？故巧者聰明之小者也。學者之爲經書之文，

悟○後○之○言

非如他體之文。求以名世已也。蓋代言而述聖
賢之旨。思以翼道也。是有鵠焉。苟其未合。雖有
大聰大明者。出亦猶乎秋毫之中也。故拙射者
必學鵠。久而命中焉。羿是也。巧射者必希秋毫
冥而妄發者。是也。古人之不以巧易拙者。有三
而文居一焉。拙於立身者。忠信之徒也。巧則僞
矣。拙於讀書者。經術純固之儒也。巧則妄矣。則
詹詹矣。拙於爲文者。大家先正之遺也。巧則鄙
倍。自以爲新奇。而朽腐矣。宋子論文。足以知古

人而君不自知者。非不自知也。宋子之意蓋猶
見源之論時儒正坐不辨此
欲然不敢自以爲古人也。宋子欲然不敢自以
爲古人。此吾之所以信宋子爲非今之人也。卽
論宋子之文。其較著者矣。宋子俯首而思。良久
曰。信如子言。吾之文非謂遂能拙也。將從古之
人求之。

宋牧仲詩序

自梅聖俞爲詩而歐公序之有窮然後工之論
於是凡天下放廢無聊之人方外遊旅之士莫
不自託於歌吟聲詠之間沾沾以爲能卽有身
世通顯者考其著作亦多矯情曲意務欲叩寂
莫之音繪幽憂之狀蓋所謂和平者難工而愁
嘆者易好沿襲彷彿莫之易也吾少而學焉亦
以歐公之論爲然最後讀宋子古竹園詩乃知
歐公之序聖俞特有所寄寓感慨以求工其文

壯悔堂文集

非定論也。

注立義

宋子之詩神蒼骨勁格高氣渾舉當

世數十年爭喙學步之病一切空之直錄盛明
接於盛唐固幸爲之於論定之後易去其回惑
而得旨歸吾則甚服其冲融大雅油然悠然從
容自適而工者自莫之及未嘗有孤臣寡婦之
怨悲鱷魚鵬鳥之稊怪引藉爲激壯也蓋宋子
生於卿相之家又少年卽膺勲命常從

天子左右歸而讀書自命尤自奮發攀躋於古作
者之林未見其止固宜其詩之浩落而夷猶矣

嗟乎吾少時所遇自謂不減宋子未幾流離於
兵戈之餘所至見錮坎壈抑鬱者幾二十年殆
無異於歐公之所謂窮而且老然而爲詩卒不
工何歟豈非人之材分有限不能工者雖窮亦
不工能工者不必窮亦工耶以余之泯沒甚愧
其窮而不工幾使歐公之言不信賴有宋子之
不必窮而工者泰証於其間庶足以釋余之慙
折○處○多○一○段○厚○一○層○
而歐公亦不必信其言矣夫天下剝復乘除皆
有成數昔之兵戈之運流離之禍余不幸當之

亦○已○往○矣○則○今○日○幸○見○太○平○爲○之○導○豫○而○鳴○盛○
所○謂○作○爲○雅○頌○薦○之○清○廟○以○追○商○周○魯○頌○之○作○
者○必○宋○子○也○嗟○乎○宋○子○之○詩○之○工○固○終○不○必○有○
藉○於○窮○然○而○其○不○窮○者○豈○非○各○有○其○時○哉○宋○子○
歌○乎○吾○猶○願○爲○宋○子○和○焉○

一氣磅礴有撼山排嶽之勢然中間抑多揚
少却從抑處見幽見逸見風神偶覽艾千子
一二文似朝宗此作然作者知者恐皆難其

人也
恭士

雪園六子社序

社者古道也。舉必以文事焉。其猶行古之道也。古者造士於鄉。教化大行。才賢輩出。則聽其敬業而樂群。相見則執雉爲贊。傳曰。執雉者。象文。明也。文之不可以已也。如是夫。吾向者雪園之君子有若吳子伯裔。伯胤。徐子作霖。劉子伯愚。嘗與吾二三子爲之。其從而爲之羽翼者。莫不以文采自著。而以躬行相砥。甚盛事也。無何雪園有寇難。四子者。夙余與賈子開宗。散而之四。

方徐子作肅與其侄世琛採橡栗揮鋤田野雪
園之社虛無人焉鳴乎雪園非遂無人也而其
文章散佚流風歇絕卒無有爲之收拾而振起
之者雖謂之無人可也蓋天下兵革之氣方熾
主持於上者既不遑脩文而議道而其經術醇
雅之望亦消磨殆盡後生小有才者或跳身於
猴冠虎翼之間畔爲異途群誚儒行之迂濶而
大雅亡矣嗚乎先王洛陽開元天德興元之世鄉教之法失至使其士罔
與脩業而顧欲輔助菁莪之化復氣運於昌明

者恐未之有也。乙酉余自吳返。賈子自淮陰歸。兩徐子相見。欵欵言及雪園舊事。流連者久之。已而曰。吾四子可以社矣。是固吾雪園之幸而存者也。余曰。姑待之。大亂亦旣夷矣。天下之人。才其生育而長養之者。未可量也。學古行脩聰明淹貫之士。莫遂謂雪園無其人也。吾將求而益之。於是三年焉。而徐子隣唐者出。徐子宿儒也。是吾昔者雪園四子之所未及收也。三子曰。可矣。余曰。固也。學古行脩聰明淹貫之士。莫遂

謂雪園無其人也。吾將求而益之。於是五年焉。而宋子聲學成於燕。而以至宋子。年少有異材。是吾昔者雪園四子之所未及見者也。於是相與左之右之。朝夕而切磨之。又二年焉。而六子之社以成。侯子曰。吾嘗者雪園四子不可追矣。求○拾○有○暇○養○身○潤○之○妙求之三年焉。而得一徐子焉。求之五年焉。而得一宋子焉。又二年焉。而合徐子宋子與吾四子者。而乃爲六子焉。然則社之以六子名也。夫豈存乎見少哉。

從先王造士士相見發論獨枯本原方見立
社之宜架空鋪叙至末澹宕收足潔甚恭士
序事以拙以朴所以大雅○不立意見據事
直書大家之文靜子

明處士汪君墓誌銘

一〇段〇作〇誌〇之〇由〇〇

明之末有汪處士嘉先者年六十餘寓家於宋而身往來於吳越淮泗之間有子有孫而不肯就養能爲詩歌有高韻而察其意常悽沮不樂與余交至厚言必出肺肝無形迹嫌而晏坐之頃常口若囁嚅有所陳已復色墨然而退如此者二十年矣乃一日率其子若孫長跼余之前滿〇李〇肩〇次〇南〇折〇以〇數〇語〇吸〇盡〇曰嘉先婺人也嘉旅於禾而卒於禾誓心欲舉之先世之墓屬天下方有兵事失業而貧遂延

汪家於婺寓於宋墓其父於

一段求

未果。今老矣。無可待矣。倘必娶之。返是終無以
塋吾父也。將於禾屯焉。懼非吾父志也。違其志
而復無以圖不朽。其若人子何。先生立言者也。
敢以誌銘。請余受狀。讀而嘆曰。處士孝子也。其
用心也深哉。既老而猶奔走不肯就養者。親未
塋也。示以請余無絲毫意常慘沮不樂者。經營其事力苦於不逮
而未嘗敢怠也。若嘑嚕有所陳者。欲以誌銘託
之余也。輒墨然退者。示其不敢輕也。蓋三十年
如一日也。處士孝子也。余與孝子遊二十年。

不知孝子。余之過也。敢不勉爲誌以補過。謹按

處士狀曰。君諱世清。字仲虛。號同水。幼聰敏。好

學。長有大志。好遠遊。弱冠入秦。涉涇渭。登岍岐。

入蜀。放覽於瞿唐。灩澦。因愾然曰。四海大矣。安

往而不適。志哉。人生貴則列。駟富則鼎。食且富。

而好行。其德大矣。夫所爲也。太史公之傳貨殖。

有以也。夫乃入。博李業魚鹽。旣饒。有貲。爲其諸

兄弟娶。而撫其孤。侄又數推千金。與其從子克。

忠。有三猶子。爲令宰。爭迎養之。君皆勉以廉謹。

古

不干以私。君雅好交遊，有聲益能爲詩。董尚書

之○重

其昌陳徵君繼儒皆與爲友。晚而遊上谷雲中

北○一○既○然○人○處○

道出梁園而病。與余祖父交。因碩謂嘉先曰：此

○舉○下○不○測○其○至

中可居也。故其後遂家焉。與歸櫛李。仍賦詩自

娛。年七十一而卒。娶方孺人。繼娶張孺人。并勤

服○承○祀

儉克相其家。張孺人有至行。撫立一孤。侄與二

庶子皆過於已子。年五十有五卒。子三孫八曾

○次○得○波○瀾

孫二。汪姬姓絲。出於周。至漢有文和者。仕新安

一○服○追○服○家○世

牧。爲江南始祖。唐時裔孫華與第四人俱以武

功顯封越國公追封英烈王其後世有達人至

姓大○阪○興○卜○木○無○段○落○却○似○兩○頃○一○接○止○下○

中元立墓大阪相傳數百年謂之大阪汪氏今

○曳○映○甚○腹○而○者○有○夢○

卜塋於禾蓋自君始嘉先擗踊大痛曰吾乃使

○應○威○說○

吾親遠吾祖吾罪人也哉吾罪人也哉夫古也

○似○司○男○遷○又○似○散○勝○永○叔○只○數○症○字○宗○逸○

墓而不墳孔子東西南北之人也塋其母不知

○墓○而○不○墳○哭○元○見○半○而○神○典○汪○姬○姓○

其父則殯於五父之衢以俟之苟附於身而附

○下○介○米○更○腹○

於棺必誠必信勿之有悔焉耳矣今汪氏之塋

○放○下○

於禾而不返於葵也蓋阻於兵燹也以視世之

○又○入○威○說○

無故而因循或妄意求利其身與其子孫或徇

於拘忌而卒以暴露其親而不塋者其用心何如也。處士可謂孝子矣。銘曰

惟禾於越。爲禹舊甸。惟日月明。惟霜露變。豈生之達而歿之戀。地厚水深。云胡不奠。

首尾一片神氣激宕。吞吐吾見此文。其猶龍乎。恭士

參差離奇。所謂每變在顏者也。靜子

止賈三兄過禹州書

竊聞諸執事將以七月命駕禹州祝修觀察者
僕私以爲過矣。執事行年六十。風病未瘳。晨夕
藥餌不能去口。步行三里則喘。乘馬十里則筋
骨告瘁。呻吟之聲不絕。願欲往返適此千里。何
也。且七月秋陽方熾。雨潦時行。上冒炎毒。下苦
濕蒸。執事自抱恙以來。習於調養方久。一旦驟
出乎逆旅。飲食不以其度。而求腸胃不感其內。
癰痢不攻其外者。鮮矣。執事或曰。觀察與我同

年故人也。禮不可失。情不可絕。固也。執事雅善詩。試於高臥之暇。追叙其生平締交之好。勉厲以德業盛大之務。期望以松栢岡陵之福。侑之以蘋蘩盛之以筐筥。而命使者將焉。斯亦可已。不然。執事之同年故人。其在千里之內。百里之外者。固不止一觀察也。執事槩乎其不自行也。亦不開一介行李。祝釐其間。而獨於觀察有加。是涉於重觀察而輕故人之嫌也。執事而有求於觀察也。卽彼其生長途程之間。官於嶺嶠之

表亦宜重繭負櫬冒險涉遠而謁之何況禹州
倘其無求古人固有大寒大暑不出者矣風雨
不出者矣舉步卽遼濶也何況乎往還千里竊
見執事數年間讀書樂道達天知命僕私心推
崇之以爲士君子師表假之一命不加貴累之
千金不加富其無求於觀察也必矣故竊以爲
此行過也然又嘗聞之執事殿言於徐宋二子
曰吾此行非徒祝觀察也禹州咫尺嵩嶽吾將
往遊焉噫天下佳山水其可盡乎執事昔嘗登

月。中。日。三。分。
岱嶽矣。即使今日。遂遊嵩嶽。而舉嶽固未之遊也。而恒嶽固杳遠而不可望。衡嶽固阻絕而不可尋也。竊謂執事老且病。卽果有名勝高閒之事。苟待於跋涉者。亦宜姑且已。而况乎其不盡然也。執事幸裁可焉。不宜。

紆回客與 恭上

凡八段曲折層出似昌黎諸書 靜子

正百姓

王者欲治天下而不求正乎百姓天下不可得而治也。百姓者人主所恃以與立者也。人主恃以與立則必先使其有以自立。苟不予之以可重之勢而齊之以至一之術。則是其名甚賤而可耻。其實甚弱而可凌也。百姓之自救不暇也。父矣。又烏能正之也哉。嘗觀世之衰也。其所以二〇二〇詭其百姓者有二。所以加其百姓者有七。不察乎七加而欲絕其二詭者。未之有也。夫百姓皆

以說而免焉爲得計。其心囂然若不終日。人主將何以託根本。厚風俗乎。故天下之患莫大乎人樂改業而以百姓爲不足。爲此明之所以亂也。明之百姓稅加之。兵加之。刑加之。力役加之。水旱災祲加之。官吏之貪。漁加之。豪強之吞并加之。是百姓一而所以加之者七也。於是百姓○此○何○其○詳○悉○之富者爭出金錢而入學校。百姓之黠者爭營巢窟而充吏胥。是加者七而因而說之者二也。卽以賦役之一端言之。百姓方苦其積重而無

告。而。學。校。則。除。矣。吏。胥。則。除。矣。舉。天。下。以。是。爲。固。然。而。莫。之。問。也。百。姓。之。爭。入。於。學。校。而。爭。出。於。吏。胥。者。亦。莫。不。利。其。固。然。而。爲。之。矣。約。而。計。之。十。人。而。除。一。人。則。以。一。人。所。除。更。加。之。九。人。百。人。而。除。十。人。則。以。十。人。所。除。更。加。之。九。十。人。展。轉。加。焉。而。不。可。窮。爭。詭。焉。而。不。可。禁。天。下。之。學。校。吏。胥。漸。多。而。百。姓。漸。少。是。始。猶。以。學。校。吏。胥。加。百。姓。而。其。後。遂。以。百。姓。加。百。姓。也。彼。百。姓。之。無。可。奈。何。者。非。成。於。溝。壑。卽。相。率。而。爲。盜。賊。

耳安得而不亂哉。夫百姓者人主得之於天而受之於祖宗。其關於國家至重也。天下之人無事而爲百姓至安也。乃一旦荼毒之若罪人。操切之若輕草。使天下之人一自知其爲百姓。則不覺其傷心而嘆蹙額而愁寢。不能安魂食不能下咽。父無以厝其子。夫無以保其妻。此何爲者也。議者猥曰富而亂。黷宮者有禁黠而叢公門者有禁庶乎。可以一之鳴乎。不圖其本而欲制其末。吾見其無術也。吾能使天下不見百姓。

○百○姓○得○安○為○百○姓○平○故○但○引○三○代○與○漢○見○也○
之辱斯不慕學校之貴矣吾能使天下不見百
姓之苦斯不慕吏胥之樂矣嘗讀函風之篇見
其區處其百姓者家室之計至完以固歲時之
養至周以悉而猶恐其隔絕也則又使之躋堂
獻酒而區區疾苦之情何患其不通積輕之勢
何患其不振乎然後知三代之主立國數百年
其百姓皆相與安其分而終身無可搔奪之憂
者蓋致之有由也若以為吾儕百姓苟不至於
作姦而犯科固已自立有餘矣而又何需乎其

他哉。故百姓之業自有餘者也。無藉於人主也。而人主不爲之正其實。則所業內喪。不爲之正其名。則所業外徙。不可不察也。先王之制百姓之孝弟力田者。升爲士。士之入官者。爲吏。其餘此者。則爲游民。至兩漢猶沿其意而守之。非獨以慎此二者。蓋深求乎百姓之衆多而防其漸少也。當其時。士不耀其民。民亦不敢冒爲士。吏不欺其民。民亦不願苟爲吏。使天下隱然知百姓之爲重。而患根本不固。風俗不醇者。吾不信。

也。爲乎。百姓者治亂所由出也。彼其詭於學校
與吏胥也。非遂亂也。而自其不安。百姓之分。而
推極之。則大亂之道也。其詭於學校與吏胥者。
皆富而黠者之所爲也。天下之百姓不盡皆富。
亦不盡皆黠。而又非此。無以自立。尚不肯坐以
待斃。固無所不爲矣。而要之。非百姓意也。其勢
有不得已也。故曰。王者欲治天下。而不求正乎
百姓。天下不可得而治也。

目前之感於裏特深痛切言之悲憤言之無

不真切如書

西恭士

額吏胥

今天下吏胥之橫何其甚也。雖少猶常有以額之而况其多乎。夫以吾君吾相朝夕所講求之法。日夜所撫循之民。厲精而施之。賤予而望其治。乃一旦蠹且壞焉。於群吏胥之手。朝廷之上。大聲疾呼。三令五申。遂熟視而無如之。何此其故何也。違令之誅不嚴。而容匿之蔽不破也。蘇軾曰。天下之人有身。於自棄爲惡甚毒而不可解者。吏胥之誦也。古之取吏胥也。必有選而任。

之。道。所。謂。橡。屬。者。是。已。學。而。後。入。材。而。後。試。
其。賢。能。畧。與。其。官。長。等。非。鄉。里。所。舉。者。則。不。得。
當。也。故。其。途。不。襍。其。數。不。可。多。設。其。人。亦。自。愛。
惜。勉。厲。於。功。名。之。路。有。士。君。子。之。風。今。則。不。然。
○曲盡姦。猾。者。爲。之。無。賴。者。爲。之。犯。罪。之。人。爲。之。縉。紳。
豪。強。之。僕。逃。叛。之。奴。爲。之。吏。胥。之。子。孫。相。沿。襲。
親。若。友。相。援。引。者。更。迭。爲。之。凡。若。此。者。豈。復。有。
毫。末。之。餘。地。哉。是。以。雞。鳴。而。起。孳。孳。爲。不。善。不。
擇。人。而。食。不。擇。科。而。犯。以。是。爲。應。然。也。嗚。乎。吏。

○轉○得○好○

胥之固結也久矣。爲之官長有能如唐之郝公
權明之况鐘者。不旋踵而制其死命。駢尸於市。
庶乎其可也。而精明強固者少。闢茸暗利者衆。
○寓○一○時○官○長○判○胥○
初聞其說亦未嘗不驚。且怒。旣而視焉。以爲是
固吾之左右也。浸假而備顧問。浸假而寄腹心。
託爪牙。藉以營其私囊。夫且四顧躊躇以爲吾
非吏胥誰與爲理。是一郡嘗有數守。一縣嘗有
數令也。旣已有吏胥矣。而吏胥又各有貳有副。
或一人而兩役。或一役而數名。莫不親近其官。

長。而。以。招。搖。於。鄉。里。曰。我。吏。胥。也。縣。有。吏。胥。焉。郡。有。吏。胥。焉。郡。縣。之。佐。貳。有。吏。胥。焉。其。郡。縣。之。人。又。有。叢。蔽。於。諸。道。而。爲。吏。胥。者。焉。縱。橫。巡。按。之。署。盤。踞。督。撫。之。衙。而。爲。吏。胥。者。焉。嗚。乎。天。下。之。官。冗。而。吏。胥。日。以。夥。每。縣。殆。不。止。千。人。矣。以。三。百。計。是。一。城。社。之。中。而。有。三。百。狐。與。鼠。一。郊。原。之。中。而。有。三。百。虎。與。狼。也。其。幽。燭。之。所。及。者。或。代。之。役。代。之。稅。或。無。故。而。魚。肉。有。事。而。勾。攝。疾。首。痛。心。者。幾。何。人。吞。聲。飲。泣。者。幾。何。家。是。吏。

吏胥一而受其害者且百也。今天下大縣以千數。縣吏胥三百是千。縣則三十萬也。一吏胥而病百人三十萬吏胥是病三千萬人也。天下幸無盜賊之擾。水旱之災。小康無事。而日有三千萬人不得其所。吁。亦大。可爲寒心也哉。此皆無以額之之過也。近者數有裁革之

詔。亦稍稍奉行之。然今日汰而明日復矣。巡按之署撤而督撫取而用之矣。吏胥之有罪者。縣發覺之。則入於府。府發覺之。則入於道。道發覺之。

則入於院。至於院而人不敢復問。向之所爲府
者。縣者。轉而與之。抗禮道者。降而接之以溫顏。
是其不可向通之勢。始猶處於降殺之間。而其
後乃反驅之於積重之地。彼大吏之不賢者。無
論其賢者。持已有節。而御下無術。吏胥乘其峻
刻之風。威猛之性。以市其重權。而取民間之財。
頗有倍蓰於往昔者矣。嗚乎。從來天下之亂。固
氣運爲之。有洪水之害。有猛獸之害。有暴君之
害。豈今之氣運在吏胥耶。夫以朝廷之尊。立意

爲吏胥之多。非自吾始也。吾姑仍之。且觀望其

他者之未盡法焉。交相觀望而吏胥卒以自若。此其弊一也。月而閏其簿。朔望而稽其名。奉令而裁之。榜而示之。陽以虛文塞責而陰挾其金錢還之以故物。此其弊二也。去者去矣而留者未去。彼此營護而以浸潤其官。長三窟之兔。百足之蟲。必濟其黨與之私而後已。此其弊三也。夫朝廷而不知吏胥之弊也。倘其知之而下之令曰。是皆有額踰三人者。其官謫。踰五人者。其官削。踰十人者。其官殺。無赦。彼吏胥之爲惡而

不顧其死。者固。有之矣。亦有官代其死。者乎。
一、引一增作要
周書曰。刑罰世輕世重。當其積弊。非重法。無以
制之。夫殺一人。而舉天下三千萬人。咸受其
福。雖堯舜。用心不過如此。而豈其爲商韓之峻
也哉。

了然於心。了然於手。恭士

二策指陳利弊。剴切不讓。敬輿而行文變化。
奔轂眉山父子間。定當置一座。然恐長公策
別猶未盡。如其痛快也。古今人不相及。斯言

誠誑我耳○其好處只是一字曰達

通黃

重學校

今與古之相反。名與實之不相副。蓋未有如學校之甚者也。古之學校所以養才。而今以收不才。徇其舊似甚貴。而實失其據。則甚辱久之。儼濫而無可別。并其名亦不足貴。則何以興天下之學。而成天下之材也。天下之學不興。天下之材不成。雖聖人無以致治。欲反其道。必自重學校。始夫設學校於此。必其才者人不才者不得入。是。以。才。者。有。以。自。見。而。不。才。者。無。所。合。倘。

其襍然并進。是才與不才混也。才與不才混。而天下之才者少。不才者多。是才無以勝不才也。才無以勝不才。其勢必盡化為不才。而後止。嗚呼。舉天下之學校。盡化為不才。朝廷猶曰。吾養士於此。而他日將以大用之也。豈不誤哉。然則重學校者。必清其非學校者。而後可也。清其非學校者。必嚴其督學校者。而後可也。天下之士至衆。天下之學校至廣。今槩曰。不才則學校者。怒而督學校者。惑嗚呼。徒沿其名。而不察其實。

誠無以塞其怒而解其惑也。往者士之遊於校
者。十年五年之積累。視其學而其一日之短長。
視其文進之者慎而退之者嚴。蓋有公卿之子
第望泮宮而不得入。既入而不免於黜革者矣。
而况乎商賈富人之贅興。隸廝養之賤者哉。今
之遊於校者。亦視其積累與其短長。然而昔之
所積者才。而今之所積者財也。昔之短長。才有
一定之優劣。而今之短長。財有適然之厚薄也。
才茂於人。謂之茂才。才秀於人。謂之秀才。古之

制也。今則謂之請託。說○淵○於○然○詮○解○更○妙○於○精○之○鑒熟於人而賄賂先於人可。

乎自明之中葉而督學者患在請託明之末季。

患在賄賂至於賄賂之盛行而數百金者爲之。

數十金者爲之甚而至於數金者亦爲之其有。

擔石之儲自乞人今○之○時○勢○可○嘆○之○極○今○之○爲○才○可○羞○之○極以上無不侈然爲子矜者葵。

丘之田父朝市其一牛而夕以三子入於庠鳴。

呼士之賤不一牛若而舉世習於不知耻風化。

之壞可爲痛哭流涕者此也夫苟有其爲之之。

具則以卿大夫之奴即縣之隸爲之而無以禁。

也。且既爲之而猶不除役。牙狙市。猶之徒戎卒。

之伍爲之。而無以禁也。且既爲之而猶不徒業。

○解○欲○絕○而○無○以○禁○也○且○既○爲○之○而○猶○不○徒○業○

然以其非此數者而指而擯之曰爾奴也。隸也。

爾狙獍而卒伍也。而彼有所不服。何也。以爲我。

之所不能者。爾亦不能。而爾之所爲有其具者。

我亦得而有之也。往歲校士而兵譁。歐士幾歟。

其將方且擁大燾於中衢。睨而命之曰夫夫也。

學校者也。當答夫夫也。非也。當免。宋之十郡縣。

之士數千餘人。舉皆膝行匍匐。甘心受之。卒無。

有起而與之抗者。說者以爲士氣之靡而不知其有以致之也。兵不識丁而士亦多不識丁。鎮將鞭箠我分也。又豈有名實之異哉。嗚呼。學校之積輕。至不可以盡言。而猶欲以姑息爲有恩。寬假爲有禮。則是天下之穢者。終無時而清。天下之濫者。終無時而裁也。故慎之而又慎。所以明異也。嚴之而又嚴。所以示尊也。盡去天下之不才。而後真才見。雖得一真才。而不以爲不足也。雖去數百千之不才。而不以爲過也。今者大

縣之弟子殆不下二千八中。小縣亦各千餘人。

法○度○之○藥

時○變○

此何爲者也。且也有進而無退。其進也。無論試

○言○之○言○亮○盡○之○日○無○廣○雅○之○書○學○矣○

士與不試。士寸檄尺符。隨手而下。其退也。無幾

又不終朝。提掇而復之。概乎附。貢綠淡。歲不絕彼。

督學者。非不知也。因循之見。徂於前而貪利之

心。橫於後。前人之教。後人若貽以規矩。後人之

守前人。若奉爲律令。吁。其所由來者漸矣。然則

必何如而後可也。曰。舉明臣張居正之舊令而

力行之。其進也。有制。大縣必四十人。中縣必二

此○今○其○制○更○缺○也○無○制○

十五人。小縣必十五人。其退也。無制百人。不稱。

精書可。見之。能行。能此。財源。何。一。之。不。清。

則退百人。千人不稱。則退千人。無容僞容。僞者。

庸。誤。至。急。講。也。

褫不旋踵。無姑狗姑狗者。罰不移刻。以作養之。

意而寓澄汰之權。以文章之事。而行軍旅之法。

廢乎其可矣。而其要則尤在勿以文藝爲浮華。

判。義。

而以德行爲借口。蓋其所可飾者行也。而其所

不可飾者文也。今使恃其財力以亂其名實而

文。字。求。之。特。識。何。苦。作。用。

使人保而舉之曰。此德行者也。則督學者必俟。

論定於歲月而無由一旦。以知其然否。設使人。

保而舉之曰。此文章者也。取而試之。閱其數語。
不終卷而瞭然矣。夫然後察之曰。之子也得無
佻達者乎。而士行亦可以飭矣。故舍文而論其
行者。奔競之端也。既論文而後察其行者。齊一
之術也。天下固有文學而無德行者。未聞不文
不學而有德行者。道德發聞之謂德。百行卓越
之謂行。是文學之所不及也。非謂其遺文學也。
且有人於此。策之以經而不對。考之以文而不
能問。之以字而不識。無論其實不長者。卽果然

矣。亦。不。過。市。井。之。愿。耨。鋤。之。老。耳。朔。望。讀。法。舉。
確。所。而。旌。之。里。正。之。事。邑。宰。之。職。也。而。柰。何。冒。之。以。
注。通。養。統。作。次。此。等。篇。不。學。校。之。名。也。或。曰。學。校。所。以。養。士。也。居。正。刻。覈。
勢。此。不。得。也。之。法。非。先。王。寬。大。之。澤。夫。士。苟。才。而。賢。卽。居。之。
以。憂。屋。而。享。之。以。大。烹。古。之。人。不。以。爲。泰。不。然。
育。才。之。地。而。今。沿。以。爲。惠。濟。之。局。豈。不。亦。羞。朝。
廷。而。輕。當。世。之。士。也。哉。

子瞻論辭達而已矣之說曰辭至於能達則
文不可勝用矣爾黃以此評朝宗諸策真足

以當之矣更愛此篇行文更在前二作上其
筆下提頓緩急識者自曉至言之碩畫今日
可用千年可傳豈非不朽之作 恭士